

Ekonomске reforme u narednih šest mjeseci mogu donijeti stvarne koristi građanima

Kako ekonomske reforme počinju davati konkretne rezultate, glavni ekonomski pokazatelji u Bosni i Hercegovini konačno se kreću u pravom smjeru. Inflacija je neznatna, stopa izvoza raste brže od stope uvoza, zabilježen je porast investicija, industrijska proizvodnja je porasla. Prema predviđanjima, ovogodišnji porast bruto domaćeg dohotka (GDP) najbrži je u cijeloj Jugoistočnoj Evropi. Ali poslovno okruženje u BiH moglo bi biti privlačnije, izvoz bi mogao biti jači; industrijska proizvodnja bi mogla biti veća, i moglo bi biti više novih radnih mjesta, ako političari u narednih šest mjeseci implementiraju dodatne neophodne reforme, rekao je danas prvi zamjenik visokog predstavnika u BiH Larry Butler u svom obraćanju na poslovnom skupu u Sarajevu.

Ambasador Butler naveo je četiri prioritetne mjere:

- BiH mora usvojiti Zakon o obligacionim odnosima do polovine 2006. godine;
- Entitetske agencije za bankarstvo moraju biti ujedinjene pod okrilje Centralne banke do polovine 2006. godine;
- Vlada RS mora osigurati sredstva za verifikaciju stare devizne štednje i mora pristati na izdavanje državnih obveznica za izmirenje dugovanja po osnovu stare devizne štednje, kako bi Zakon o staroj deviznoj štednji mogao biti proveden do 20. novembra.
- Ured za statistiku BiH mora biti u mogućnosti da investitorima ponudi sve neophodne informacije, uz punu saradnju svojih entitetskih partnera, bez daljnjih bespotrebnih odlaganja.

“Nijedan od ovih zadataka nije pretjerano mukotrpan; svaki će

donijeti konkretne i temeljne koristi građanima,” rekao je ambasador Butler. “Situacija u BiH se popravlja, ali to se mora dešavati brže. Građani ove zemlje su već dovoljno dugo morali trpiti nevolje. Mnogo je toga učinjeno kako bi se stvorila infrastruktura neophodna za privlačenje investicija i otvaranje radnih mjesta. Na pravom smo putu – ali se moramo brže kretati tim putem.”

Tekst obraćanja ambasadora Butlera na Regionalnom ekonomskom forumu dostupan je u cijelosti na internet stranici OHR-a.